



The Salvation News

Volume 5, Issue 17

News • Youth • Bible • Teaching



www.salvationchurchofgod.org

May 2013

Txoj Kevcai Tshiab

“Nej ib leeg yuavtsum hlub ib leeg ib yam li kuv hlub nej. Nej ib leeg yuavtsum hlub ib leeg. Yog nej ib leeg hlub ib leeg, sawvdaws thiaj yuav paub hais tias nej yog kuv cov thwjtjm.” - Yauhas 13:34-35



SCG MAIN OFFICE

Tegnum Tsim Cov Cai Tswjfwm

By: Xf. Vachinzong Lor, Superintendent

Suav txij xyoo 2008, tomqab lub Rooj Txhawb Siab ntawm Salvation Church of God, Inc., uas tsa muaj nyob rau Milwaukee, Wisconsin, cov thawjneeg hauv SCG tau pomzoo kom cov tuav num thiab cov thawjneeg hauv SCG yuavtsum muaj kev tsim cov phau ntawv uas yog tsim cov cai los cob qhia thiab pab rau cov pejxeem hauv cov pawgntseeg. Tegnum sablaj thiaj pomzoo tias, yuav ua kom SCG lub homphiaj tiav los txhawb tau tsoom pejxeem nyob hauv SCG mus ntevx rau lubneej uas tseem yuav tshwm tuaj, yog SCG cov thawjneeg yuavtsum tsim kom tau cov cai li hais los cob qhia tsoom pejxeem. Kom tsoom pejxeem uas ua tswvcaub rau hauv txhua pawgntseeg uas koom rau Salvation Church of God, Inc., tau siv coj los cob qhia tsoom pejxeem kom sawvdaws paub sibtxig sibluag thiab koom mus ib txoj kev. Mus kom txog lub homphiaj uas tau teem tseg. Sawvdaws yuavtsum koom ib txoj kev ntseeg, siv ib txog kevcai coj thiab koom ib txoj kevcai tswjfwm, hais ib hom lus thiab totaub ib yam nkaus.

Txij thaum ntawd los, cov num tsim cov phau ntawv kevcai, kev coj thiaj muab tso rau cov thawjneeg uas tuav cov luagnum thawjcoj hauv SCG Main Office los rhawv tsim cov phau ntawv kevcai tswjfwm.


Nramqab no kevcai, kev coj uas yuavtsum tsim kom tau los ua tsheej phau ntawv cov los siv rau hauv Salvation Church of God, Inc., cov pawgntseeg:

Laws:

1. The Bible
2. Txoj Kev Ntseeg (Doctrine of Faith)
3. The Constitution and Bylaws
4. Txoj Kev Daws Teebmeem (Problem Solving)

Policy, Rules, and Regulations:

1. Cwj Ceev Txiaj (Financial Systems)
2. Cwj Coj Kev Teev Ntawv (Record Keeping Systems)
3. Cwj Tswj Kev Sablaj (Robert's Rules)
4. Cwj Tswj Kev Xyaum Suabpagesev Thiab Pajnrug



Inside This Issue:

- SCG Main Office Page | 1
- SCG National Women Ministry Page | 3
- Bible Trivia Page | 3
- The Importance of A Worship Team Page | 5
- Thov Pab Koj Pawgntseeg Page | 6
- History of St. Valentine Page | 7
- In Memory: Nyiajxwm Lauj Page | 9
- Youth: Youth Bible Camp Page | 11

Note:

X = siv rau tomqab lolus hais ob lwm.


Txhua txhua = txhuax

Mob mob = mobx

Npaj npaj = npajx

Txhawj txhawj = txhawjx

5. Cwj Qhia Tus Ntseeg Kev Hais Lus (Communication Guideline)
6. Cwj Qhia Tus Ntseeg Tus Cwjpw (Personal Character Advise)
7. Cwj Qhia Tus Thawjneeg Tus (Cwjpw Leadership Advise)
8. Kevcai Ua Num (Work Policy)
9. Pejxeem Txojcai
10. Plahaum Tshavntuj
11. Tawm Tshaj Moo Zoo
12. Tegnum Lawb Dab
13. Tegnum Tshajmeej
14. Tos Txais Pejxeem Tshiab
15. Tos Txais Xibfwb Los Saib Pawgntseeg
16. Tsa Xibfwb Tshiab
17. Txheej Txheem Kev Sau Ntawv (Minutes)
18. Xa Xibfwb Tawm Hauv Pawgntseeg



Lagluam (business):

The Scripture about Business

Faith Guidance:

1. Fij Menyuum
2. Fij Tuamtsev
3. Kev Koomsiab
4. Kev Noj Qab Haushuv, Zaubmov, thiab Qojcev (Exercises)
5. Kev Teevhawm (Worship Systems)
6. Kevcai Rausdej
7. Lus Povthawj
8. Muab Dab Lawb Tag Lawm Ho Yuav Mus Lawm Twg?
9. Roojmov Ua Tsaug Rau Vajtsvw
10. Yexus Kheto Roojmov

Culture and Tradition Guidance:

1. Hmoob Cimneejsab
2. Hmoob Kablig Kevcai
3. Hmoob Tsiab Pebcaug
4. Kawm Hmoob Ntawv
5. Kev Txoos Txijnkawm
6. Qhia Kev Hnav Tsoos
7. Qhia Phaj
8. Rooj Mov Nus Muas Sib Saib
9. Rooj Mov Txais Nom
10. Tisnpe Menyuum Yug Tshiab


11. Txhooj Tis Npe Laus

Certificates:

1. Appreciation Certificate
2. Baptismal Certificate
3. Certificate of Award
4. Certificate of Completion
5. Certificate of Sponsorship
6. Lawbdab Certificate
7. Tithing Certificate

Muaj peb (3) hom uas SCG yuavtsum muaj coj los siv tswj pawgntseeg lossis tsoom pejxeem yuavtsum siv yog muaj xws li: The Laws, Policy, Rules, and Regulations, and Faith Guidance. Nyob hauv peb (3) hom kevcai thiab kev coj li hais los saumno, yam peb twb muaj thiab tsim tiav lawm yog raws li nramqab no:

1. The Bible
2. Txoj Kev Ntseeg (Doctrine of Faith)
3. The Constitution and Bylaws
4. Txoj Kev Daws Teebmeem (Problem Solving)
5. Cwj Ceev Txiaj (Financial Systems)
6. Cwj Coj Kev Teev ntawv (Record Keeping Systems)
7. Pejxeem Txojcai
8. Plahaum Tshavntuj
9. Tawm Tshaj Moo Zoo
10. Tegnum Lawb Dab
11. Tegnum Tshajmeej
12. Tos Txais Pejxeem Tshiab
13. Fij Menyuum
14. Kev Koomsiab
15. Kevcai Rausdej
16. Lus Povthawj
17. Muab Dab Lawb Tag Lawm Ho Yuav Mus Lawm Twg?
18. Yexus Kheto Roojmov
19. Kev Txoos Txijnkawm
20. Tisnpe Menyuum Yug Tshiab
21. Txhooj Tis Npe Laus



Nramqab no yog cov kevcai lossis kev coj uas tseem tabtom sibzog tsim thiab yuav muab teeb kom tiav los ua tsheej phau ntawv rau tsoom pejxeem hauv SCG txhua pawgntseeg siv.

1. Cwj Tswj Kev Sablaj (Robert's Rules)
2. Cwj Tswj Kev Xyaum Suabpageev Thiab

- Pajnuag
3. Cwj Qhia Tus Ntseeg Kev Hais Lus (Communication Guideline)
 4. Cwj Qhia Tus Ntseeg Tus Cwjpw (Personal Character Advise)
 5. Cwj Qhia Thawjneeg Tus Cwjpw (Leadership Guidance)
 6. Kevcai Ua Num (Work Policy)
 7. Tos Txais Xibfwb Los Saib Pawgntseeg
 8. Tsa Xibfwb Tshiab
 9. Txheej Txheem Kev Ntawv Sablaj (Minutes)
 10. Xa Xibfwb Tawm Hauv Pawgntseeg
 11. Fij Tuamtsev
 12. Kev Noj Qab Haus Huv, Zaubmov, Thiab Qojcev (Exercises)
 13. Kev Teevhawm (Worship Systems)
 14. Roojmov ua Tsaug Rau Vajtswv
 15. Hmoob Cimneejsab
 16. Hmoob Kevlis Kevcai
 17. Hmoob Tsiab Pebcaug
 18. Kawm Hmoob Ntawv
 19. Qhia Kev Hnav Tsoos
 20. Qhia Phaj
 21. Rooj Mov Nus Muas Sib Saib
 22. Rooj Mov Txais Nom

SALVATION CHURCH OF GOD NATIONAL WOMEN MINISTRY

By: *Chue Lee Moua*

Welcome everyone to another new year. Wow, how fast each year is passing. We are already into the first quarter of the year, going on to the second. I hope everyone had a great start this year. It's going to be another exciting year to accomplish our goals and resolution.

First of all, I like to introduce our SCGNWM team: Chue Lee Moua -Director; Nou Yang - Assistant Director; Suzanne Her Secretary; Pa Xiong - Treasure; Kia Vang - Assistant Treasure; and our Advisors; Bao Xiong;



Doua Vu; Paoi Lor; Xia Yang. We strive to educate and encourage our women of faith to walk with the Lord through; home visits, praise & worship, bible teaching and workshops.

Beginning of this year on February 09, 2013, we travel to Marysville, CA. There, we met with Shoua Vang, wife of Elder Nengzong Her. They oversee the church Marysville SCG. We attended their church service and met a few of their church members. After church ser-



How Much Do You Know? Bible Trivia (Twv Vajlugkub)

1. Xya lolus uas Yexus hais lus xaus uantej nws txojksia tu yog hais licas?
2. Tus vajntxwv uas tau los ua vajntxwv kav tebchaw Yixalayeas vim yog nws muaj tus cwjpw zoo, loj, siab thiab zoo nraug heev yog leegtug?
3. Phau Vajlugkub uas tsis hais txog Vajtswv lub npe li yog phau twg?
4. Vajntxwv Nempukanexales muab Yixalayeas ib tug vajntxwv ob lub qhovmuag kaus povtseg vim nws ntseev siab rau vajntxwv thiab coj mus ua qhev lawm lub npe hu licas?
5. Nyob hauv Vajlugkub, tsuas muaj ob tug tibneeg uas tsis tau txais txojkev tuag hauv lub ntiajteg no yog leegtug?
6. Tus poj vajntxwv uas sawv los kav tebchaw Yudas lub npe hu licas?
7. Yauhas muab neeg ua kevcai rausdej ntawm tus dej hu licas?
8. Yexus txib 72 leej mus tshaj txojmoo zoo. Yexus hais tias, "Nej ciali mus! Kuv txib nej mus ib yam li _____ uas yuav mus hauv _____."
9. Petus tsis lees paub Yexus 3 zaug thaum qaib qua peb tseg. Yog? _____ Tsis yog? _____
10. Qhov chaw uas hu ua "Kaulakhautas" txhais licas?

(Answer at the back)

SCGNWM: Praise & Worship

vice, lunch was provided by Elder Nengzong Her's family. It gave us time to mingle with each other for the time being. Chue Lee Moua gave a short presentation of "How to be a Faithful Christian".



From there, we came down to Sacramento, CA. There, we met with Ka Vang, who is the local women

director of Sacramento SCG and her women group. We encourage each other to be strong and stand strong in our faith of the Lord. Chue Lee Moua gave her short presentation to this group as well.

Last but not least, we took a trip to Milwaukee, WI for our mini-revival on March 23 & 24, 2013. Our special g u e s t



speaker was Chia Yang (N. X.F. Tsavhawm Vaj) presented the word of God, which reminded us to wear God's armor at all time. The rest of our time was spent in fellowship and bible study.

No matter how hard you're working



In order to keep our energy feed our stomach with think full to all the Mil-members and all the men paring all the foods for the have the event going. Special to elder Chong Neng's family to let us came to join the foods with all the Church members from other locals in your house. **May God bless the family and all the Church members.**

HAPPY MOTHER'S DAY!

Kuv xav muab lub sijhawm no los hais "HAPPY MOTHER'S DAY" rau ib tsoom leej niam nyob rau hauv SCG. Thov vajtswn foom koobhmoov rau koj uas yog ibtug



niamtsev. Peb paub hais tias ua ibtug niamtsev, lub luagnum tsis yoojyim kiag li. Nej yog peb lub zog thiab yog cov menyuam txoj kev ciasiab. Nyob rau hnub "Mother's Day" thov kom nej tau txais kev kajsiab lug.

"WE HONOR AND LOVE YOU!"



but your stomach still can't be empty forever. moving forward, every 2 to 4 hours we have to foods. We're very waukee Church who have done pre-two days that we



Mr. and Mrs. Chong Neng Vang

TEACHING: The Importance of a Worship Team



The Importance of A Worship Team

By Pastor Chu-Yin T. He

Ip a b
Worship
Team tsis
yoojyim nrhiav
los koj nkauj
qhua Vajtswv.
Vim hais tias
txhua tus uas los
koj nkauj yuav-
tsum muaj kev
koomsiab tiagx
thiaj koj tau zoo
thiab koj cov
ntseeg pehawm
Vajtswv kom
txaus siab
txaus ntsws
tiagx. Puas
yog tus koj
nkauj (lead
singer) thiaj
tseemceeb
xwb? Pab hu
nkauj (backup
choirs) thiab
pab tub-
ntxhais
qojpajnrug
(musicians)
tseemceeb
tsis heev? Tus
koj nkauj,
pab hu nkauj
mus rau
tagrho pab
qojpajnrug
puav leej
tseemceeb
huvs.



Muaj tej pawgntseeg lawv siv li 2 leej lossis 3 leej koj nkauj pehawm qhuas Vajtswv. Yuav kom pab Worship Team koj kev pehawm Vajtswv tau zoo thiab koj sawvdaws pehawm Vajtswv nkag mus tau rau sab ntsujplig thiab hu nkauj txaus siab txaus ntsws, pab Worship Team yuav tsum muaj kev koomsiab paub cov nkauj kom zoo li zoo tau.

Hu-Nkauj-Uake (Sing-A-Long):

Yuav kom pab Worship Team hu tau nkauj zoo thiab txhawb cov pejxeem, pab qojpajnrug yuavtsum hu-nkauj-uake (sing-a-long) nrog tus koj nkauj (lead singer). Qhov uas tsis pab cov pejxeem thiab tsis pab tus koj nkauj, muaj ib txhais tub qojpajnrug thaum mus rau tim sam-sawv thiaj lawm, lawv zaum lossis twjywm xwb. Txawm yog txoj nkauj hu ceevx lossis majmam los lawv nyob lawv qhov qub tsis txav li; zoo li txoj nkauj ntawd tsis lomzem rau lawv hlo li.



Yuav kom cov pejxeem muaj kev zoo siab lossis motivation, tus koj nkauj nrog rau nws pab tub qojpajnrug yuavtsum paub cov nkauj zoox, hu-nkauj-uake, thiab seevcev phim txoj nkauj qhuas Vajtswv. Tsis txhob txajmuag tsam koj qojpajnrug tsis thwj lossis hu nkauj tsis zoo. Qhov uas koj mus zaum lossis sawv tsis nti li, nws qhia tau rau sawvdaws hais tias koj txajmuag heev lossis tsis paub txoj nkauj ntawd zoo.

Pab tub qojpajnrug los tsis txhob hais tias thaum mus txog tim lub samthiaj ces nws nyob tib tug zoox rau sawvdaws saib xwb. Nws tegnum yog qojpajnuag qhuas Vajtswv thiab koj cov pejxeem hu nkauj qhuas Vajtswv. Tsis yog hais tias txhua tus yuav tsum muaj ib lub microphone thiaj mam hu tau nkauj. Txawm muaj microphone thiab tsis muaj los yog sawvdaws koomsiab hu-nkauj-uake ces twb pab tau rau cov pejxeem tuaj pehawm Vajtswv rau hnuv ntawd lawm. Txawm koj tegnum yog qojpajnrug xwb los koj yeej muaj feem hu nkauj los txhawb cov koj nkauj kom sawvdaws lub suab nrov los pab rau tus koj nkauj. Vim yog lino, thiaj yuavtsum xaiv ib tug txawjx koj nkauj (lead singer) los koj sawvdaws.



Luagntxhi (Smile):

Tus koj nkauj nrog rau nws pab tub-ntxhais qojpajnrug, thaum mus sawv rau tim lub samthiaj lawm, txhua leej, nej tegnum yog koj cov ntseeg pehawm qhuas Vajtswv kom txaus siab tiagx. Tus “Star” nyob rau tim lub samthiaj tsis yog tus koj nkauj thiab pab tub-ntxhais qojpajnrug. Tus “Star” yog Tswv Yexus. Peb sawvdaws hu nkauj thiab qojpajnrug yog hu qhuas Tswv Yexus. Thaum twg tus koj nkauj thiab pab tub-ntxhais qojpajnrug tsis qhuas Tswv Yexus lawm ces yog lawv qhuas lawv rau cov pejxeem lawm xwb, hnuv ntawd tej suabpagseev thiab suabpajnrug tsis tseemceeb rau cov ntseeg uas tuaj pehawm lawm. Vim rau qhov hais tias lub caij qhuas ib leeg tus twg, nws muaj nws ib lub caij; tsis txhob muab yus tuskheej qhuas rau sawvdaws lub sijhawm tuaj pehawm Vajtswv rau hauv lub Vajtswv lub Tuamtsev.


Qhov tseemceeb tshaj plaws yog txhuax leej yuavtsum muaj kev koomsiab thiab nyob ze rau ntawm Vajtswv. Yog sawvdaws paub ib yam, nyiam ib yam, thiab ib leeg txhawb ib leeg, txhua txoj nkauj yeej yuav nplig tau cov ntseeg lub siab. Ua Vajtswv tsaug!

Thov Pab Koj Pawgntseeg

By: Xf. Vachinzong Lor

Ib tsoob ntoo yam nws muaj yog abtsi? Koj cov lus teb thiab kuv cov lus teb nyaj yuav zoo ib yam xwb tabsi kev totaub txog tsoob ntoo tegnum ntshe nyias yuav txawv lawm nyias ib seem. Txawm licas los cia muab qee yam hais txog tsoob ntoo thiab nws tegnum koj los tham seb koj, kuv, peb sawvdaws puas totaub mus ib seem.

Nyob hauv tsoob ntoo, nws muaj cov cag, lubcev ntoo uas koom lub nruabnrog thiab daim tawv, cov ceg thiab cov nplooj. Cov cag tegnum yog nqus dej thiab nqus zaubmov puag hauv nruabtiv tuaj yug lub cev, cov ceg, thiab cov nplooj. Lubcev ntoo tegnum yog yuavtsum peem kom nthuav thiab tshoom kom nqus yas kom ntev lossis kom siab. Daim tawv yog qhwv lubcev yog tivthaiv sab nruabnrog kom tsis txhob raug tshavntuj kub, nag ntub, tiv no thiab raug tsiaj, kab, lossis lwm yam raug sab nruabnrog. Cov ceg tegnum yog hlav tshoom thiab ncau ua cos yuav dhau mus nplooj, tawg mus ua paj, dhau mus ua lub txiv thiab tseem cau ceg ntxiv. Cov paj tegnum yog yug lossis xeeb cov zib los sibzaus uake yug kom lub txiv txi. Cov nplooj tegnum yog txais tshav ntuj, thiab txais nag los txhawb lossis pab rau tsoob ntoo kom nws nyob zoo. Thaum kawg, cov paj, cov txiv thiab cov nplooj poob rov rau hauv lub hauv paus mus xyaw av thiab lwj mus xyaw av dhau rov mus ua



zaubmov thiab nkag rov mus rau sab nruabtiv. Thaum kawg cov cag nqus rov mus yug lubcev ntoo. Tsoob ntooj tegnum xyoo dhau xyoo yog ua li hais los saumno. Txawm yog nws ua tegnum kiv musx losx li hais xwb los nws yeej sib zog thiab tsis nkees, tsis so, thiab nyias rau siab ntso ua nyias tegnum. Vim li hais, sawvdaws thiaj pom tsoob ntoo ib xyoo loj lawm ib them lossis ib xyoo loj lawm ib phaum.



Pawgntseeg los zoo ibyam li tsoob ntoo. Xibfwb tegnum pivtxwv zoo li tus cag uas nqus dej thiab nrhiav zaubmov los yug cov pejxeem uas zoo li lub cev ntoo. Tej zaubmov uas cov thawjneeg nrhiav los yug cov pejxeem yog Vajtswv txojlus, tsim cov num kawm Vajluskub, cob qhia tej menyuum hauv Sabbath School, tsim tej kev kawm txhua pab pawg hais txog kev ntseeg. Cob qhia kom cov tsev yimneeg uas muab npe zwm ua tswvcaub rau pawgntseeg tau txais kev paub, kev hloov neej, totaub kev ntseeg hab paub ua lubneeg tshiab, neej sib hlub.

Cov thawjneeg uas tuav tegnum fajthwj zoo ib yam lubcev ntoo thiab daim tawv uas tivthaiv tej xwm txheej phem kom tsis txhob raug tej pejxeem kom lawv tau txais kev thajyeeb nyob kajsiab lug. Lawv yog tsim tej kev pab, kev loj hlob tso rau cov tibneeg uas tuav tegnum cob qhia kom sawvdaws tau kev kawm sub thiaj muaj kev loj hlob.

Cov tuav tegnum cobqhia zoo yam li cov ceg ntoo uas yuavtsum nthaw pob. Ntawv yog kev qhia kom tej menyuum paub zuzus, kom lawv hlav hauv kev paub lossis kev ntseeg. Kev ua zoo neej, txawj hais lus zoo, muab siab rau ntseeg, sibpab, koomsiab, sib txhawb, thiab sib hlub zoo yam li cov nplooj uas nthuav txais tshav ntuj los nag. Yog kev ua zoo, lub suab zoo nrov rau tibneeg cov kev nthuav tegnum ib yam li cov nplooj, cov npaj, thiab cov txiv ua nthuav, tawg, thiab txi rau tibneeg pom. Yam uas pawgntseeg lossis tus ntseeg txawv tsoob ntoo yog vim lawv tsis tig rov los txhawb, tham txog, tawm ua num pab, tsis txhawb nyiaj txiaj tuaj pab, tsis koom kev teev hawm, tsis koom kev

TEACHING | HISTORY: St. Valentine

kawm, thiab tsis tawm tuaj hais lus qhuas txog sawvdaws tegnum uas yog txoj kev zoo hauv pawgntseeg.

Koj twb txaus siab los koom thiab muab npe zwm ua tswvcuab rau pawgntseeg ntawm thaj chaw koj nyob lossis pawgntseeg uas koj xaiv mus ua chaw teev hawm. Koj yuavtsum pab, txhawb, tawm tswvyim, tawm qauv, koomtes, nqistes, thiab nrog hlub cov tibneeg lossis pawgntseeg. Ntsaum txawm me npaum ntawd los, lawv twb txawj sibpab, sib txhawb thiab sib hlub heev. Nyias ua nyias tegnug tabsi txhua tegnum ntawd puavleej yog txhawb rau lawv lub neej.



Thov caw koj muab kev koomtes nrog txhawb koj pawgntseeg. Koj txawm tsis kam muab txhua yam hauv koj lubneej mus txhawb pawgntseeg yam cov nplooj ntoos uas nws poob rov mus txhawb nws lub





hauvpaus los, thov kom muab lub sijhawm mus koom kev teevhawm xwb, cov thawjneeg thiab cov tuavnum hauv pawgntseeg twb txaus siab heev lawm.

History of St. Valentine

By: Pastor Chu-Yin T. Her

Valentine's Day yog ib lub koobtsheej nco txog txojkev hlub. Lub caij no tej tubntxhais uas muaj ib tug hlub lawm nws thiaj yuav ib lub paj lossis ib daim card, lossis ib daim pajlug (poem) xa mus rau nws tus hlub qhia txog nws txojkev hlub. Cov pojniam thiab cov txivneej uas muaj txwj nkawm lawm los lawv ib leeg yuav ib res paj xa mus rau lawv tus hlub ib yam. Yog vim licas pheej yuav tau yuav paj xa mus rau nws tus hlub? Ib tug ntseeg Vajtswv lawm, peb puas nco txog lub Valentine's Day?



Raws li keebkwm yav thaum ub nyob rau tebchaws Loos (Rome, Italy) kwvyees li xyoo 268-270 A.D., Loos muaj kev sibntaus sibtua (wars) nyhav heev. Cov nomtswv Loos pom hais tias cov tubhluas yog ib co txawj tua rog thiab muaj zog dua cov uas muaj pojniam lawm. Loos tus nom hu ua Emperor Claudius II xav koom nws lub tebchaw muaj zog thiab muaj theejcom coob, nws thiaj tau sau ib tsab kevcai lijchoj (law) tawm rau hauv nws lub tebchaws txwv tsis pub cov tubhluas yuav pojniam. Yog leejtwg tseem hla txojcai no tus ntawd yuav raug muab tua povtseg.

Nyob rau lub sijhawm ntawd muaj ib tug xibfwb hu ua St. Valentine. Nws yog ib tug xibfwb uas nyiam qhov zoo thiab koj ncaj. Nws tau pab coob leej (cov ntseeg) dim txojkev raug tsimtxom los ntawm nom tswv Loos. Tsis tag li



HISTORY: Happy Valentine's Day

First Issue: January 2013 - March 2013

ntawd xwb, thaum nws hnov txog Emperor Claudius II txojcai uas tsis pub cov tub hluas yuav pojniam, nws hlub cov hluas heev. Cov tub hluas uas xav yuav pojniam, St. Valentine thiaj nyiag kev hmo ntuj muab lawv txi ua txijnkawm (marriage).

Thaum Emperor Claudius II hnov hais tias St. Valentine muab cov tub hluas ntxhais hluas txi ua txijnkawm, nws thiaj ntes St. Valentine coj mus tsimtxom thiab coj mus kaw rau hauv tsev lojcu. Nyob rau hauv lub tsev lojcu, St. Valentine thiaj qhia txoj Moo Zoo rau cov neeg raug txim. Nyob rau hauv lub tsev lojcu, tus thawj theejcom uas saib lub tsev lojcu ntawd muaj ib tug ntxhais digmuag tsis pomkev. Thaum nws hnov txog St. Valentine qhia txoj Moo Zoo, nws thiaj coj nws tus ntxhais tuaj cuag St. Valentine. St. Valentine thiaj pab thov Vajtswv thiab qhia txoj Moo Zoo rau nws tus ntxhais. Muab ib hnuv tus ntxhais digmuag txawm rov povkev tuaj. St. Valentine thiaj hlub nws heev.

Thaum Emperor Claudius II hnov hais tias St. Valentine phee qhia txoj Moo Zoo rau cov neeg raug txim hauv tsev lojcu, nws thiaj txwv tsis pub qhia txoj Moo Zoo thiab kom St. Valentine cia li los pe Loos cov vajtswv (Roman's gods). Thaum St. Valentine tsis kam pe Loos cov vajtswv, Emperor Claudius II thiaj muab St. Valentine coj mus tua. Thaum lub 2 hli tim 14 xyoo 269 A.D., St. Valentine thiaj raug muab txiav tobhau (beheaded) tuag lawm. Ua ntej St. Valentine yuav raug tua, nws sau tau ib daim ntawv tseg rau tus thawj theejcom tus ntxhais. Nyob rau kab lus xaus nws thiaj xaus lus hais tias, **"Sau los ntawm koj tus Valentine"** lossis **"From your Valentine."**



Los ntev ntau lub xyoo tom qab no kwvyees li xyoo 496 A.D. Pope Gelasius I thiaj teem lub 2 hli tim 14 ua kev nco txog St. Valentine hnuv. Cov neeg Loos thiab cov neeg nyob rau sab Europe thiaj pib ua koobtsheej nco txog txojkev hlub uas yog hu ua Happy Valentine's Day los mus txog niajnub nimno.

Thaum lub 2 hli tim 14, ntau lub tebchaw xws li Loos (Italy), Fabkis (French), Askiv (United Kingdom) thiab

Amelikas (United States) thiaj muab lub 2 hli tim 14 ua koobtsheej nco txog txojkev hlub.

Thaum txog lub St. Valentine's Day, tibneeg txawm ciali siv lub Valentine's Day no los hais txog kev sib-club ntawm kev nkauj kev nraug (romantic love) thiab kev sibclub ntawm kev phoojywg thiab kev neej kev tsav (friendly/brotherly love) lawm. Yog li txhuax xyoo lub 2 hli tim 14, koj thiaj pom tej tub tej txhais ib leeg yuav ib lub paj mus rau nws tus hlub. Thiab koj pom tej tub-ntxhais yuav paj mus rau lawv niam lawv txiv lossis lawv cov phoojywg.

Peb cov ntseeg puas nco txog lub koobtsheej Valentine's Day? Vajlugkub tsis qhia kom peb nco txog nws lub koobtsheej. Vajlugkub qhia kom peb ib leeg yuav tsum hlub ib leeg. Kev hlub yog ib yam uas loj tshaj plaws. Vajntxwv Xalumoos thiaj hais tias kev hlub muaj zog ib yam li txojkev tuag. Nyiaj thiab kub yuav tsis tau txojkev hlub (Xalumoos Tej Nkauj 8:6-7). Yog li Vajlugkub thiaj hais tias Vajtswv yog txojkev hlub. Yog peb xav tau kev hlub, peb yuavtsum los cuag Vajtswv. Yog peb xav tau kev kajsiab, peb yuavtsum los cuag Vajtswv. Hnuvno kuv thiaj thov caw ib tsoom kwvtij phoojywg sawvdaws cia los cuag Vajtswv koj thiaj tau txojkev hlub.



Hnuv Valentine's Day, koj yuav xa ib res paj lossis sau ib daim paj lug mus rau koj tus hlub, tus phoojywg los yeej tau vim yog txojkev hlub ntawm tibneeg xwb. Tsis tau txhais hais tias lub 2 hli tim 14 koj thiaj xa tau paj mus rau koj tus hlub tus tshua xwb tiamsis yog koj muaj kev hlub, koj yuav muab ib res paj, ib dam pajlug, lossis hu ib xovtooj mus rau tus koj hlub koj tshuas txhua lub sijhawm.

IN MEMORY: Nyiajxwm Lauj

Tsis Ua-num Vim Muaj Xwm Ceev

By: Xf. Vachinzong Lor

Suav txiv hnuv tim 16 hauv lub hli Xyomhauj (February), dhau los, Xibfwb Vajtsheej zoo, tus tuavnum hauv Salvation Church of God, Inc., tau tawm hauv lub chaw ua-num, Main Office mus yam tsis tau qhia rau cov ntseeg paub. Kev tawm ceev li hais vim yog nws txiv uas yog Nyiajxwm Lauj tau nruamsim rau hnuv tim 15 hauv lub hli Xyomhauj. Nyiajxwm lub chaw nyob yog nyob ntawm lub zos Noomxoomhoob, nyob ntawm ntug nroog Vientiane, tebchaws Nplog.

Hnuv tim 17th hauv hlis Xyomhauj, Xf. Vajtsheejzoo tau tawm hauv nroog Milwaukee, Wisconsin mus rau Chicago, Illinois. Nce tsheb davhlau Kaumlim ntawm tshav davhlaus O'Hare International Airport mus hloov davhlaus hauv Incheon International Airport, Kauslim mus tsaws Siem Reap International Airport, Cambodia. Pw ib-hmo hauv Cambodia. Hnuv tomqab mam hloov davhlau tawm hauv Siem Reap International Airport mus tsaws rau Savanakhet, techaws Nplog. Tawm mus ua ntawv VISA tiav mam rov ncev davhlaus mus tsaws rau Watai International Airport, tuamnroog Vientiane, tebchaws Nplog.

Tomqab ntawv, Xf. Vajtsheejzoo cov kwv thiab tus tijlaus Nkaj Pov tuaj tos tau nws lawm, sawvdaws thiaj mus rau ntawm tsev khomob (Hoomaum Maj haumxuv), yog mus saib nws txiv Nyiajxwm Lauj tus uas nruamsim lubcev. Tsevneeg txiavtximsiab tsis thau txiv los ua kevcai tomqab kev nruamsim vim tseem tos txiv, Nyiajxwm ob-peb leej menyuum uas tseem tabtom mus tim America mus koom txiv lub npajntw. Sijhawm mus txog rau ntawm tsev kho mob Majhaumxuv, cov tibneeg saib lub chaw rau cov nruamsim thiaj qhib txiv, Nyiajxwm lubcev rau lawv saib kwvyees li 20 feebxij. Hnuv no yog hnuv tim 19th xwb tseem tshuav Nyiajxwm tus tub ntxawg, Tswv Yeejtseeb Lauj thiab tus ntxhais, niam Zamyeeb Vaj mus tsis tau txog. Dhau li hais los saumno lawm, lub sijhawm yuav thau leejtxiv mus lubcev mus ua kevcai yeej yog teem rau hnuv tim 22nd hauv lub hli Xyomhauj. Vim li hais, sawvdaws thiaj tsuas saib leejtxiv ib muag xwb. Tomqab ntawd, sawvdaws thiaj

mus rau ntawm txiv, Nyiajxwm tsev uas nyob ntawm zos Noomxoomhoob, mus ntawm Vietiane mus kwvyees 45 feebxij.



Ob-hnuv tomqab ntawd yog kev npaj txhua yam xwslimov, zaub, tsiaj txhu, khoom no-jhaus, thiab tu lubtsev uas yuav siv ua kevcai rau Nyiajxwm lub npajntw. Thau lee-

jtxiv, Nyiajxwm lubcev ntawm tsev kho mob rau hnuv 22nd, thaum 9:00 teev sawvntxov, coj mus rau ntawm nws lub tsev thiab pib ua kevcai rau thaum 12:00 teev hnuvntseg. Vim txiv, Nyiajxwm tsevneeg yeej los txais yuav txoj kevcai ntseeg Vajtsv hauv xyoo 1990 thiab lawv yeej yog tsevneeg ntseeg lawm, txiv, Nyiajxwm lub npajntw thiaj ua kevcai raws li kev ntseeg. Xibfwb Nyiaj Tsua Hawj uas saib pawgntseeg hauv lub zos Roobzoo II, nrog rau cov txwjlaug, niamtsev, txivtsev thiab tubntxhais hluas, lawv sawvdaws tuaj sibpab nroos lis txiv, Nyiajxwm lub npajntw mus tau zoo kawg. Cov txivtsev, sawvdaws tuaj lis kev ua zaub uas yog txhua hom zaub rau txhuax rooj noj ntawm txhuax hnuv. Cov niamtsev tuaj lis kev ua mov rau txhuax rooj noj ntawm txhuax hnuv. Cov tubntxhais hluas thiab xibfwb sibpab nroos lis lub txhooj npajntw. Cov thawjneeg hauv pawgntseeg lis tagrho phab txais qhua, saib kev ruajntseeg, thiab saib tej kev tshavntuj. Nyob lub ntuj roojteb ntawd, kev ua npajntw yog nyob ntawm tus tswvcuab lub tsev xwb, sawvdaws tseem



yuavtsum nyob 24 teevsij. Ntawm 3 hnuv ua kevcai npajntw rau txiv, Nyiajxwm, cov ntseeg thiab kwvtij, kev neej, kev tsav, thiab kev phoojywg yeej tuaj nyob coob heev txwmnkaus txhuax hnuv thiab txhuax hmo. Hauv txiv, Nyiajxwm tsevneeg ces, cov ntseeg hauv Roobzoo II thiab kwvtij neejtsa yeej pab kawg



nkaus ua rau lawv tsis tau ua abtsi hlo li. Vim txoj kev hlub, sawvdaws thiaj ua txhua yam los pab tauv tsevneeg t e j k e v quajntsuag. Yam txiv, Nyiajxwm

tsevneeg tau nqistes ua ces yog peem tej nyiajtxiaj los txhaws tej kev siv. Nyiajxwm tsevneeg tsis hais cov tub nyab, ntxhais vauv, cov nyob tim America thiab nyob hauv Nplogteb, sawvdaws koomsiab hlo txhawb kev pab los txhaws leejtxiv lub npajntw zaum no mus tau zoo heev. Xam txhuax yam hauv kev siv hauv phab nyiajtxiaj, lawv muab los siv rau lawv txiv Nyiajxwm lub npajntw, siv tag lawm 115 lab nyiaj Nplog. Lawv ua tau lawv txiv lub npajntw txawv hlo thiab ua tau ib lub qauv zoo heev rau tsoom ntseeg hauv Roobzoo II thiab tej neeg zejzog. Kev nojhaus kuj zoo txaus nkaus tsimnyog. Nyiajxwm yog ib leejtxiv zoo, muaj phoojywg coob thiab nws tus tub Txiajntxim Lauj uas nrog Nyiajxwm nyob los muaj phoojywg coob heev thiab Txiajntsim tseem tuav tus thawj saib kev ruajntseg rau lawv lub zos thiab tseem tuav tegnum Txwjlaug hauv pawgntseeg Roobzoo II. Vim li hais, tibneeg thiaj tuaj koom txiv, Nyiajxwm lub npajntw coob heev. Ibrooj mov twg sawvdaws noj tagnrho ib tug tsiaj loj, (ib tug twm). Ib yam zoo ntawm pawgntseeg hauv Roobzoo II, kev pab rau seem nruamsim no, lawv yeej txwv hlo tsis muaj muab nqaj faib rau tibneeg zejzog thiab cov tuaj pab ua num. Txhua tus tsiaj tua los ua zaub yeej yog siv ua zaub tiagx los rau cov tibneeg uas tuaj pab tsev tswvcuab noj xwb. Hais txog seem no, lawv coj tau zoo ibyam li cov ntseeg hauv SCG. Ua tsaug rau Tswvntuj vim nws pab ua rau cov thawjneeg thiab xibfwb lawv muaj kev txiavtximsiab siv li hais yam tsis ntshai leejtwg tusiab.

Hnub 25th thaum 3 teevsij, ntuj tsis tau kaj, X i b f w b

Vajtsheejzoo thiab tsevneeg nrog rau Xibfwb Nyiaj



Tsua Hawj thiab coob leej txwjlaug tau coj Nyiajxwm Lauj lubcev tawm hauv nws lub tsev mus. Taug txoj kev Highway 13 nqishav mus rau Pajxas. Ncaim ntawm Pajxas mus rau lub nroom Mooskauj, taug txoj kev loj ntawm mus rau lub nroog Phasmeung, ntsee mus rau nroog Thajthoos. Mus ntawm nroog Thajthoos mus phua plhawv lub nroog Thajvias uas saib ntsoov roob Phuxamliaj thiab saib ntsoov roob Kiajmiengnas thiab Mieng-ong. Dhau ntawd, mam nce cov roob siabx ntawm taw roob Phunpiab mam ntseev mus rau nraum lub nroog Xeev. Siv sijhawm ntev loo li 6 teevsij thiaj coj txiv, Nyiajxwm lubcev mus txog ntawm lub zos Naslww uas nyob ntawm ntug nroog Xeev. Tsev neeg thiaj coj txiv, Nyiajxwm mus tso rau ntawm ntug zos hauv lub zos Naslww. Dhau ntawd, txiv, Nyiajxwm cov menyua tseem pw ib hmo thiab hnub tomqab lawv xov vaj rau txiv, Nyiajxwm lub chaw vim tsis xav kom muaj tsiaj tuaj tsuj tuaj hla. Tomqab ntawd, lawv mam rov mus tsev rau Vientiane, ntawm zos Noomxoomhoob.

Thov Salvation Church of God, cov thawjneeg (Boards), xibfwb, thiab tsoom pejxeem zamtxim pub. Tiagx yeej tsis tsimnyog muab zaj no coj los tso rau hauv SCG tsab ntawv News Letter, tabsi qhov muab coj los tham tso rau hauv no los vim Xibfwb Vajtsheejzoo tawm hauv SCG Main Office mus lawm tau nteveloo mam rov los lis num hauv Main Office. Qhov tseeb yog xav kom tsoom pejxeem thiab sawvdaws muaj kev totaub tias tos tawm muj yam ceev heev los vim tsis yog txhobtxwm xav mus tabsi vim yog muaj num ceev uas yog kuv txiv kiag lawm ces thiaj yuav tau tawm mus xwb. Kuv, Xibfwb Vajtsheejzoo thov ua tsaug rau cov thawjneeg (Boards) uas nej sawvdaws totaub zoo thiab zam kev dav rau kuv mus lis kuv txiv lub npajntw.

Place Your Article Here!

YOUTH: Youth Bible Camp



By: Nkaujzouapa Lor, SCG Youth President

Hi everyone!



It is so exciting to announce to you all that the Salvation Church of God 2013 Youth Bible Camp just around the corner. Yes, it just a couple of weeks away! The duration of camp this year one full week and our theme this year is: The Way, The Truth, The Life (John 14:6). We, my national officers and the camp committee, have prepared many activities and events, along with worship and bible studies that will keep everyone full off of God’s word, food, and sports! For those of you who have already sent in your camp forms, please prepare yourself and all your belonging, we can not wait see you at camp. For those of you who have not yet sent in your forms and fees, AND the parents who would like to come join us, there is still time! There will be more to talk about when we get to the camp and you will have your turn to share fun stories, testimonies, special talents, or even share the story of how your trip to the camp site was. We would love to hear stories of your lost adventures, or simply the number of hours you spent sleeping in the car - enjoying your break from school.

Please take your time and make a beautiful announcement to all of your youth members and



bring all of them to our third biannual SCG Youth Camp. The dates for camp is June 22-29, 2013 located at Woodland Camp in Minnesota. The campsite is beautiful and there will be free time for everyone to enjoy the campsite. We are thankful to have the



niamtsev and txivtsev, the cooking experts, as our chef, so everyone will be fully energized. In addition, Xibfbw Vachinzong

Lor, the SCG Superintendent will be there to help supervise and he will be teaching a small workshop about “*Yuavtsum Txawj Xav, Yuavtsum Ntse, and Tsis Txhob Nkees*” (Tub- Nkeeg). Yes, if you want to be smart, want to be a deep thinker, and want to be a very helpful person in your family, you do not want to miss the opportunity to learn the secret from Xibfbw Vachizong.

I want to see all of you at the Salvation Church of God 2013 Youth Bible Camp! Therefore, we will have a lot of time learn the Word of God and share the love our Lord Jesus Christ. May God be with you all and guide your way to Flandrau State Park, in Minnesota.

Group Camp Ground





Bible Trivia Answer: (from page 3)

1.
 - a. Txiv, thov koj zam txim rau lawv - Lukas 23:34
 - b. Hnubno koj yuav tau nrog kuv nyob saum qhov chaw kajsiab lug – Lukas 23:43
 - c. Niam, tus uas nrog koj sawv ntawm ko yog koj tus tub (Yauhas)...tus uas nrog koj sawv ntawm ko yog koj niam (Malis) – Yauhas 19:26-27
 - d. Kuv tus Vajtswv, Kuv tus Vajtswv, uas licas koj tso kuv tseg? - Mathai 27:46; Malakaus 15:34
 - e. Kuv nqhis dej—Yauhas 19:28
 - f. Tiav lawm lauj—Yauhas 19:30
 - g. Txiv, kuv muab kuv txojhia tso rau hauv koj txais tes—Lukas 23:46
2. Xa-Uls (1 Xamusyees 9:2)
3. Exathaws
4. Xedekiyas—2 Vajntxwv 25:7
5. Enauj (Chivkeeb 5:24) & Eliyas (2 Vajntxwv 2:11)
6. Poj Vajntxwv Athaliyas—2 Vajntxwv 11
7. Dej Yauladees—Lukas 3:3
8. Yaj - Hma (Lukas 10:3)
9. Tsis yog, Petus tsis lees paub Yexus 3 zaug ua ntej qaib tsis tau qua—Yauhas 18:15-27
10. Pobtxha Taubhau—Mathais 27:33



News Report

Thov cawm ib toom xibfwb, txwjlaug, fajthwj, niamtsev, txivtsev thiab tub-ntxhais hluas yog nej muaj xovxwm zoo xav muab tsotawm, thov muab email tuaj rau SCG Main Office.

★ **News Letters** are print out quarterly. ★

Visit SCG website: www.salvationchurchofgod.org
Email: scg@salvationchurchofgod.org



SCG MAIN OFFICE

3710 W. Vliet Street
Milwaukee, WI 53208
(414) 232-3844